

DESULO 1993

143

Desulo immortele as'unu fizu
Montanaru sa fama t'at lassadu
Chi a Dante e Omero ad'assimizzu.

At tottu sa barbagia onoradu
E cun'issa s'intera Sardigna
Ca s'Omero sardu fit giamadu.

At sighidu de issos s'insigna
E de tottu sos mannos poetas
Opera de l'onorare sempre digna.

In cussas umbras de sas'altas vetas
At descrittu giojas e dolores
In padentes, cuiles e pinnetas.

Sa vida ruza de sos'abitadores
De sas feminas tottu s'onestade
Cun sa dura vida e sos pastores.

Divulghende a s'intera umanidade
Comente in cussu logu si viviada
Cun sas'usanzas de s'antighidade.

Mancu su note non riposaiada
Pensende a sa cara poesia
Ca tanta passione li teniada.

Operas sun de tanta nostalgia
Est su racontu de sa filonzana
E seculare ses posta o bidida mia.

S'abba frisca de ogni funtana
Ue bundat sempre cristallina
E mai bulluzada est da sa rana.

At cantadu ogni cosa genuina
Ma no lu potto onorare tantu
Ca sa rima mia est miserina.

Como est riposende in campu santu
E si esistidi in sa santa gloria
Desulo i ricumpensa e cussu cantu
Sempre lu ada tenere in memoria.

Motu

Perdonade s'iscarsa poesia
Ca fagher menzus cosa no podia.

CARTA MICHELE

CARBONIA